

3 Goán íkeng bô hoattō koh tán à, sói tòh koattēng kantaⁿ goán lâu tī Athénè, ² tōngsī chhephài goán ê hiaⁿtī, mā sī goán ūi SiōngChú thoaniông Kitok hokim ê tângkang Tīmótheh khi lín hia, thang tī sèngióng siōng kiankò lín, kah anùì lín, ³ biántit lín tiongkan ū lāng ē inūi tú tiòh khólan soah sìnsim iôtāng. Inūi lín chai, lán tú tiòh khólan sī SiōngChú ê chíu só anpài ê. ⁴ Goán kah lín chòhóe ê sī, íkeng tāseng tùì lín kóngkhi lán ē tú tiòh khólan ê tāichì, āu lái kójiān ènggiām; tú chhinchhiūⁿ lín só chai ê áne. ⁵ Sói, tng góa tán kah bē tàng koh tán ê sī, góa tòh chhephài Tīmótheh khi lín hia, siūⁿ beh liáukái lín ê sìnsim tàutè ánhóaⁿ; góa khióngkiaⁿ lín ē hō Mòkúí iúhék, soah tìsú goán ê lôkhó lóng ónghùi khi.

Páulô ūi Thesalônîke Kàuhōe Kító

⁶ Taⁿ Tīmótheh íkeng tùì lín hia tríglai kàu goán chia, kā iúkoan lín ê sìnsim kah thiàⁿsim ê hó siausit pò goán chai, koh kóng khi lín tiāⁿtiāⁿ teh siàuliām goán, pekchhiat òngbāng kah goán kìⁿbīn, tú chhinchhiūⁿ goán siūⁿ beh kah lín kìⁿbīn kàngkhoán. ⁷ Sói, hiaⁿtī chíu mōe, goán tī itchhè ê khùnkhor hoānlān tiong, ū tùì lín ê sìnsim tit tiòh anùì; ⁸ inūi lín nā tùì Chú ū kiankò ê sìnsim, goán tòh kámkak ū chinchhiàⁿ teh oáh. ⁹ Inūi lín ê iānkò, goán tī lán ê SiōngChú bīnchēng sī hòténg ê hoaⁿhí; ūi tiòh che itchhè ê hílók, goán tiòh ánhóaⁿ kámsiā SiōngChú chiah ū kàngiáh? ¹⁰ Goán mêjit pekchhiat kíkiú, òngbāng ē tàng kìⁿ tiòh lín ê bīn, jíchhiáⁿ pòchiok lín sìnsim bô kàngiáh ê sóchāi.

¹¹ Goán lán ê ThiⁿPē SiōngChú kah lán ê Chú lésu kā goán khuiō, hō goán thang khi kàu lín hia; ¹² mā goán Chú hō lín píchhú chi kan ê thiàⁿ, kah tùì chēnglāng ê thiàⁿ jítjít kethiⁿ, koh chin hongseng, chhinchhiūⁿ goán tùì lín ê thiàⁿ kàngkhoán. ¹³ Áne, lín ê sìnsim ē tàng kiankò, tī lán ê Chú lésu kah I ê chēng sēngtō chàilím ê sī,

3 阮已經無法度 koh 等 à, 所以 tòh 決定 kantaⁿ 阮留 tī 雅典, ² 同時差派阮 ê 兄弟, mā 是阮為上主傳揚基督福音 ê 同工提摩太去 lín hia, thang tī 信仰上堅固 lín, kah 安慰 lín, ³ 免得 lín 中間有人 ē 因為 tú tiòh 苦難 soah 信心搖動。因為 lín 知, 咱 tú tiòh 苦難是上主 ê 旨意所安排 ê。 ⁴ 阮 kah lín 做伙 ê 時, 已經 tāi 先對 lín 講起咱 ē tú tiòh 苦難 ê tāichì, 後來果然應驗; tú 親像 lín 所知 ê áne。 ⁵ 所以, 當我等 kah bē tàng koh 等 ê 時, 我 tòh 差派提摩太去 lín hia, 想 beh 了解 lín ê 信心到底 án 怎; 我恐驚 lín ē hō 魔鬼誘惑, soah 致使阮 ê 勞苦 lóng 枉費去。

保羅為帖撒羅尼迦教會祈禱

⁶ Taⁿ 提摩太已經 tùì lín hia tríglai 來到阮 chia, kā 有關 lín ê 信心 kah 疼心 ê 好消息報阮知, koh 講起 lín tiāⁿtiāⁿ teh 數念阮, 迫切 òng kah 阮見面, tú 親像阮想 beh kah lín 見面全款。 ⁷ 所以, 兄弟姊妹, 阮 tī 一切 ê 困苦患難中, 有 tùì lín ê 信心得 tiòh 安慰; ⁸ 因為 lín 若對主有堅固 ê 信心, 阮 tòh 感覺有真正 teh 活。 ⁹ 因為 lín ê 緣故, 阮 tī 咱 ê 上主面前是何等 ê 歡喜; 為 tiòh 這一切 ê 喜樂, 阮 tiòh án 怎感謝上主 chiah 有夠額? ¹⁰ 阮暝日迫切祈求, òng 望 ē tàng 見 tiòh lín ê 面, 而且補足 lín 信心無夠額 ê 所在。

¹¹ 願咱 ê 天父上主 kah 咱 ê 主耶穌 kā 阮開路, hō 阮 thang 去到 lín hia; ¹² mā 願主 hō lín 彼此之間 ê 疼, kah 對眾人 ê 疼日日加添, koh 真豐盛, 親像阮對 lín ê 疼全款。 ¹³ Áne, lín ê 信心 ē tàng 堅固, tī 咱 ê 主耶穌 kah 祂 ê 眾聖徒再臨 ê 時, lín tī 咱 ê 天父上主面前, ē tàng 成做聖潔, koh 無 thang 指責。

lín tī lán ê ThiⁿPē SiōngChú bīnchêng, ē tâng
chiâⁿchò sèngkiat, koh bô thang chíchek.